

神道大編歷宗通儀

神道大編曆宗通議卷第六

北朝四曆叙

西魏孝靜帝以壬子曆氣朔稍遠興和元年命
李業興改正光曆後齊文宣受禪命宋景業造
天保曆至後王武平七年董峻鄭元偉非之乃
上甲寅元曆時又有劉孝孫張孟賓同知曆事
孝孫更造甲子元曆與宋景業爭論未定屬周
亡不行

正克議

西魏孝靜帝興和元年以壬子曆氣朔稍違災
感失次四星出伏曆亦乖舛命李業興改正立
甲子元曆詔以新曆示齊獻武王田魯叅軍信
都芳駁業興曰今年十二月二十日新曆歲星
在營室十三度順疾天上歲星在營室十一度
新曆鎮星在角十一度留天上鎮星在元四度
留新曆太白在斗二十五度晨見逆行天上太

白在斗二十一度逆行便為差殊業興對曰歲
星行天伺候以來八九餘年恒不及二度今新
曆加二度至於又伏晨見纖毫無爽今日仰看
如覺少二度及其出沒還應如術鎮星自造壬
子元以來歲常不及故加十度亦知猶不及五
度適欲併加恐出沒損校十度十日將來永用
不合處多太白之行損疾損遲取其會歸而已
近十二月二十日晨見東方新舊一曆推之分

寸不異行星三日損校四度如此之事無年不
有至其伏見還依術法芳嫌十二月二十日星
有前却業興推步已來三十餘載上笑千載之
日月星辰有見經史者與涼州趙歐劉義隆廷
尉卿何承天劉駿南徐州從事史祖冲之參校
業興甲子元曆長於三曆一倍考洛京已來曰
十餘歲五星出沒歲星鎮星太白業興曆首尾
鎮中及有差處不過一日二日一度兩度三曆

之火動校十日十度熒惑一星伏見體自無常
或不應度祖冲之曆多甲子歷十日六度何承
天歷不及三十日二十九度今曆還與壬子元
同不有加增辰星一星沒多見少及其見時與
歷無舛今此亦依壬子元不改太白辰星唯起
夕合為異業興以天道高遠測步難推五行伏
留稍考不易人目仰闕未能盡審但取其見伏
大歸路其中間小謬如此曆便可行若專據所

見之驗不取出沒之效則曆數之道其幾廢矣
夫造曆者節之與朔貫穿於千年之閏間餘斗
分推之於毫厘之內必使盈縮得衷間限數合
周日小分不殊錙銖陽曆陰曆纖芥無爽損益
之數驗之交會日所居度考之月蝕上推下減
先定衆條然後曆元可求猶甲子難值又難值
甲子復有差分如此躋駁參錯不等今歷發元
甲子七率同遵合璧連珠其言不失法理分明

情謂為可如芳所言信亦不謬但一合之衆星
度不驗者至若合終必還依術鎮星前年十二
月二十日見差五度今日差三度太白前差四
度今全無差以此準之見伏之驗尋效可知將
來永用大體無失芳云以去年十二月中笑新
曆其鎮星以十二月二十日在角十一度留天
上在亢四度留是新曆差天五度太白歲星並
各有差校於壬子舊曆鎮星差天五度太白歲

星亦各有差是舊曆差天為多新曆差天為少
凡造曆者皆預積年累日依法候天知其疎密
然後審其近者用作曆術如熒惑行天七百七
十九日太白行天五百八十三日歲星行天三
百九十八日鎮星行天三百七十八日辰星行
天一百一十五日其晨夕之法皆一遲一疾一
留一逆一順一伏一見七頭一終必須測知七
頭然後造曆為近不得顧者其曆甚疎自五帝

三代以來及秦漢魏晉造曆者皆積年久測術
乃可觀若二四年間倉卒造者當時或近多載
必失今甲子新曆雖有少差校於壬子元曆三
星行天其差為密獻武王上言之詔付外速施
行

天保議

後齊文宣受禪命散騎侍郎宋景業叶圖識造
天保曆景業奏依握誠圖及元命包言齊受籙

之期當魏終之紀得三十五以為部應六百七
十六以為章法文宣大悅乃施用之其曆統曰
上元甲子至天保元年庚午積十一萬五百六
十外章歲六百七十六度法二萬三千六百六
十斗分五千七百八十七曆餘十六萬二千二
百六十一至後主武平七年董峻鄭元偉議曰
宋景業移閏於天正退命於冬至交會之際承
二之後三月之交妄減平分學非援蹟識殊深

解有心改作多依舊章寫子換母頗有變革妄
誕穿鑿不會真理乃便日之所在差至八度節
氣後天閏先一月朔望虧食既未能知其表裏
遲疾之曆步又不可以旁通妄設平分虛退冬
至虛退則日數減於周年平分妄設故加時差
於異日五星見伏有違二旬遲疾逆留或率兩
宿軌符之術妄刻水旱今上甲寅元曆並以六
百五十七為率二萬二千三百三十八為部五

千四百六十一為斗分甲寅歲甲子日為元紀
又有廣平又劉孝孫張孟賓同知曆事孟賓受
業於張子信並素舊事更制新法又有趙道嚴
準晷影之長短定日行之進退更造盈縮以求
虧食之期劉孝孫以百一十九為章八十四十
七為紀九百六十六為歲餘甲子為上元命日
度起虛中張孟賓以六百一十九為章四萬八
千九百為紀九百四十八為日法萬四千九百

四十五為斗分元紀其命法略旨遠日月五星
並從斗十一一起盈縮轉度陰陽分至與漏刻相
符其日影俱合循轉無窮上拒春秋下盡天統
日月虧食及五星所在以二人新法考之無有
不合其年訖於敬禮及曆家豫刻日食疎密六
月成申朔太陽虧劉孝孫言食於卯時張孟賓
言食於申時鄭元偉董峻言食於辰時宋景業
言食於巳時至日食乃於卯申之間其言皆不

能中爭論未定逐屬國亡

周隋六曆叙

西魏入關尚行李業興正光曆至周明帝武成
元年詔造武成曆麟趾學士庾季彦等採阻恒
舊議通簡南北之術自斯以後頗覩其謬故周
齊共時曆差一日後及武帝時甄鸞造大和曆
上元甲寅至天和元年丙戌積八十七萬五千
七百九十二筭外章歲三百九十一節法二萬
三千四百六十日法二十九萬一百六十朔餘

十五萬三千九百九十一斗分五十七百三十一會餘九萬三千五百一十六曆餘二十六萬八百三十冬至斗十五度泰用推步終於宣政元年大象元年太史上士馬頭等又上丙寅元曆其術施行時隋高祖作輔方行禪代之事因張賓盛稱高祖非人臣相自陳代謝之證故開皇四年詔行張賓曆十四年日食不効命張胄元泰定新術十七年張胄元奏曆成會顏慤楚

上言閏作大初曆云後八百歲此曆差一日當
有聖者定之帝欲神其禘詔頒行胄元曆時有
劉焯更劉孝孫曆法日七曜曆上之胄玄害之
遂罷焯又增修曰皇極曆駁正胄元之短袤亢
胄玄共排之其曆竟不行

天象議

周武帝天象初太史上士馬顯表曰臣按元章
五紀之旨三統四分之說咸以節宣發歛考詳

啓緯布政授時以為皇極者也而乾維難測斗
憲易差盈縮之期致舛咎徵之道斯應寧止蛇
或乘龍水能沴火因赤王羊掩曜金鷄喪精年
化閏以盛衰有國由其隆替曆之時義於斯為
重自炎漢已還迄於有魏運經四代事涉千年
月御天官不乏於世命元頒朔立有公改驗近
則疊壁應辰經遠則連珠失次義難循舊其在
茲乎大周受圖膺祿牢籠萬古時夏乘殷斟酌

前代曆變壬子元用甲寅武帝索隱援顧蓋性
窮理以為此曆雖行未臻其妙爰降詔旨博訪
諸賢并勅太史上士馬顯等更事刊定務得其
宜然術藝之士各封異見凡所上曆合有八家
精覈躋較未能盡善去年冬宣帝乃詔臣等監
考疎密更令同造謹案史曹舊簿及諸家法數
棄短取長共定今術開元發統肇自丙寅至於
丙曜虧食五星伏見叅校積時最為精密庶鐵

炭輕重無失寒燠之宜
灰箭飛浮不與陰陽之
度上元丙寅至大梁元年己亥積四萬一千五百
五十四筭上日法五萬三千五百六十三亦
名部會法章歲四百四十八斗分三千一百六
十七部法二萬二千九百九十二章中為章會
法月法五萬三千五百六十三曆餘二萬九千
六百九十五會日百七十三會餘一萬六千六
百一十九冬至日在斗十二度小周餘盈縮積

其曆術別推入節會分用陽率四百九十九陰
率九每十二月下各有日月蝕轉分推步加減
之焉乃為定蝕大小餘而求加時之正其術施
行

開皇張賓曆議

時隋高祖作輔方行禪代之事欲以符命曜於
天下道士張賓揣知上意與劉曜互相自云洞
曉星術因盛言有代謝之徵又稱上儀表非又

臣相由是大被知遇恒在幕府及受禪之初擢
賓為華州刺史與儀同劉暉前太史上士馬顯
等議造新曆賓等依何承天法微加增損開皇
四年二月撰成奏上高祖詔曰張賓等存心美
數通洽古今每有陳聞多所啓沃畢功表奏具
披覽使後月復育不出前悔之宵前月之餘罕
留後朔之旦減朏就朏懸殊舊準月行表裏厥
途乃異日交弗蝕由循陽道驗時轉笑不越纖

毫遜聽前修斯秘未啟有一於此寔為積密宜
頒天下依法施用張賓所創之曆既行劉孝孫
與劉焯言學無師法刻食不中所勘凡有六條
其一云何承天不知分閏之有失而用十九年
之七閏其二云賓等不解宿度之差改而冬至
之日守常度其三云連珠合璧七曜湏同乃以
五星別元其四云賓等唯知日氣餘分拾盡而
為立元之法不知日月不合不成朔旦冬至其

五云賓等但守立元定法不湏明有進退其六
云賓等唯識轉加大餘二十九以爲朔不解取
日月合會准以爲定凡六事微妙曆數大綱聖
賢之通術而暉未曉若乃驗影定氣何氏所優
賓等推則去之彌遠合朔順天何氏所考賓等
依據循彼迷蹤蓋是失其菁華得其糠粃者也
又云魏明帝時有尚書郎楊偉修景初曆乃上
表立義駁難前非云加時後天食不在朔然觀

揚偉之意故以食朔為真未能詳之而制其法
至宋元嘉中何承天著曆表云月行不定或有
遲疾合朔月食不在朔望亦非曆之意也承天
欲立合朔之術遭皮延宗飾非致難而又得行
至後魏獻帝時有龍宜弟復修延興之曆又上
表云日食不在朔而習之不廢據春秋書食乃
天之驗朔也此三人者前代善曆皆有其意未
正其書但曆數所重唯在朔氣朔為朝魯之首

氣為生長之端朔有告籩之文氣有郊迎之典
故孔子命曆而定朔旦冬至以為將來之範今
孝孫曆法並按明文以月行遲疾定其合朔款
令食必在朔不在晦二之日縱使頻月二三得
天之統大抵其法有三第一勘日食證恒在朔
毛詩云十月之交朔日辛卯日有食之今以甲
子元曆衡推筭符合不差春秋經書日食三十
五二十七日食經書有朔推與甲子元曆不差

八食經書並無朔字左氏傳云不書朔官失之也公羊傳云不言朔者食二日也穀梁傳云不言朔者食晦也今以甲子元曆推筭俱是朔日立明受經夫子於理尤詳公羊穀梁皆臆說也第二勘度差變驗尚書云日短星昴以正仲冬即是唐堯之時冬至之日日在危宿合昏之時昴星正午案行書記年堯元年丙子今以甲子元曆術推筭得合堯時冬至之日合昏之時昴

星正午漢武帝太初元年丁歲丑落下閏等孝
定大初曆冬至之日日在牽牛初今以甲子元
曆術筭即得斗末牛初矣晉時姜岌以月食驗
於日度知冬至之日日在斗十七度宋文帝元
嘉十年癸酉歲何承天考驗乾度亦知冬至之
日日在斗十七度雖言冬至後天三日前後通
融只合在斗十七度但堯年漢日所在既殊唯
晉及宋所在未改故知其度理有變差今隋甲

辰之歲考定曆數象以稽大道冬至之日日在
斗十三度第三勘氣影長驗春秋緯命曆序云
魯僖公五年正月壬子朔旦冬至今以甲子元
曆術推筭得合不差宋元嘉十年何承天以土
圭測影知冬至已差三日詔使付外考驗起元
嘉十三年為始畢元嘉二十年八年之中冬至
之日恒與影長之日差校三月今以甲午元曆
術推筭但是冬至之日恒與影長符合不差十

三年丙子天正十八日曆注冬至十五日影長
即是今曆冬至日二十年癸未天正六日曆注
冬至三日影長即是今曆冬至日於時新曆初
頒賔有寵於高祖劉暉附會之升為太史令二
人斗議并短孝孫言其非毀天曆率意迂怪焯
又妄相扶證惑亂時人孝孫焯等竟以他事斥
罷後賔死孝孫為掖縣丞委官入京又上前後
為劉暉所詰事寢不行仍留孝孫直太史累年

不調寓宿觀臺乃抱其書弟子與視伏闕慟哭
執法拘以奏之高祖異焉以問國子祭酒何妥
妥上奏其善即日擢受大都督遣與賓曆比校
短長

開皇張胄元曆議

信都張胄玄以筭術直太史與劉孝孫共短張
賓曆至十四年七月上合叅問日食事楊素等
奏太史凡奏日食二十有五唯一將三朔依尅

而食尚不得其時又不知所起他皆無驗胄玄
所尅前後妙裏時起分数今如符契孝孫所尅
驗亦過半楊素與術士数人立議云十一事皆
舊法義難通者令劉暉與張胄玄等辨之暉無
所答胄玄通者五十四焉於是高祖引孝孫胄
玄等親自徬徕旣而孝孫與胄玄因言日長景
短之事高祖大悅令與參定新術至十七年胄
玄曆成奏之言前差一日上斥楊素等定其短

長劉暉等執舊曆術迭相駁難不決會內史通
事合人顏慤楚上言漢時洛下閤改顓頊曆作
大初曆云八百歲此曆差一日當有聖者定之
計今相去七百二十年術者舉其成數聖者之
謂其在今乎高祖欲神其事遂詔行胄元曆擢
拜為員外散騎侍郎領太史令胄玄學祖冲之
兼傳其師法自茲厥後越後頗中其開皇十七
年所行曆術命冬至起虛五度後稍覺其疎至

大業四年劉焯卒後乃敢改法命起虛七度諸
法率更有增損

胄玄謂曆法與古不同者三事其一宋祖冲之
於歲周之末創設差分冬至漸移不循舊軌每
四十六年却差一度至梁虞翻歷法嫌冲之所
差太多因以一百八十六年冬至移一度胄玄
以此二術年限縣隔追檢古注所失極多遂折
中兩家以為度法冬至所宿歲別漸移八十三

年却行一度則上合堯時月永星火次附漢歷
宿起牛初明其前後並皆密當其二周馬顯造
丙寅元曆有陰陽轉法加減章分進退蝕餘乃
推定日創開此數當時術者多不能曉張賓因
而用之莫能者正胃玄以為加時先後逐氣參
差就月為斷於理未可乃因二十四氣列其盈
縮所出寔由日行遲則月逐日易及今合朔加
明早日行速則月逐日少遲今合朔加時晚檢

前代加時早晚以為損益之率日行自秋分已後至春分其勢速計一百八十二日而行一百八十度自春分已後至秋分日行遲計二百八十一日而行一百七十六度氣每之下即其率也其三自古諸歷朔望逢交不問內外八限便鯨張賓立法創有外限應鯨不鯨猶未能明肖玄以日行黃道歲一周天月行月道二十七日有餘一周天月道交絡黃道每行黃道內十三

日有奇而出又行黃道外十三日有奇而入終
而後始月經黃道謂之交朔望去交前後各五
度以下即當為蝕若月行內黃道則在黃道之
北蝕多有驗月行外黃道在黃道之南也然雖
遇正交無由掩映蝕多不驗遂因前法別立定
限隨交遠近逐氣求差損益蝕分事皆明著其
超古獨異者有七事其一古歷五星行度皆守
恒率見伏盈縮悉無格準胃玄候之各得真率

合見之數與古不同其差多者至加減三十許
日即如熒惑平見在雨水氣即均加二十九日
見在小雪氣則均減二十五日加減平見以為
定見諸星各有盈縮之數皆如此例但差數不
同時其積候所知時人不能原其首其二辰星
舊率一終再見凡諸古曆皆以為然應見不見
人未能測豈玄積候知辰星一終之中有時一
見及同類感召相隨而出即如辰星平晨見在

雨水者應見即不見若平晨見在啓蟄者去日
十八度外三十六度內晨有水火土金一星者
亦相隨見其三古歷少衍行有定限自見已後
依率而推進退之期莫知多少胄玄積候知五
星遲速留退真數皆與古法不同多者差八十
餘日留回所在亦差八十餘度即如熒惑前疾
初見在立冬初則二百五十日行一百七十七
度定見夏至初則一百七十日行九十二度追

步天驗今古皆密其四古歷食分依平即用推
驗多少寔數罕符胃玄積候知月從水火土金
四星行有向背月向四星即速背之則遲背十
五度外及循本率遂於交分限其多少其五古
歷加時朔望同術胃玄積候知月蝕所在隨方
改變傍正高下每處不同交有淺深遲速亦異
約時立差皆會天象其六古歷交分即為蝕數
去交十四度者添一分去交十三度食三分去

交十度食三分每近一度食益一分當交即蝕
既其應多少自古諸歷未悉其原胄玄積候知
當交之中月掩日不能畢盡故其蝕及少去交
五六時月在日內掩月便盡故其蝕乃既自此
以後更遠者其蝕又少交之前後在冬至皆爾
若近夏至其率又差矣胄玄所立蝕分最為詳
密其七古歷二分晝多夜漏半刻皆由日行遲疾盈
差春秋二分晝多夜漏半刻皆由日行遲疾盈

縮使其然也凡此胄玄獨得於心論者深服其
精密

皇極議

開皇十六年冀州劉焯增損劉孝孫曆法更名
入曜曆以奏之與胄玄之法頗相乖與袁亮與
胄玄害之遂罷開皇二十年袁亮奏日長影短
高祖因以曆事付皇太子遣更研詳著日長之
候徵天下曆筭之事咸集於東宮劉焯以太子

新立復增修其書名曰皇極曆校正胄玄之短
太子嘉之未獲考驗焯為太學博士負其精博
官不滿意又稱疾罷歸至仁壽四年焯言胄玄
之誤於皇太子曰胄玄法望晦朔違古且疎氣
節閏候乖舛喪命時不從子半晨前別為後日
日躔莫悟緩急月逐妄為兩種月度之轉輒遣
盈縮交會之際意造氣差七曜之行不循其道
月星之度行無出入應黃反赤當近更遠虧食

率準陰陽無法星端不恟珠璧不同盈縮失倫
行度愆序去極啓漏應有而無食分先後彌為
煩碎測今不審考古莫通立術之疎不可紀極
仍上啟曰自木鐸寢聲緒言盛燼羣生蕩析諸
夏沸騰曲折雲浮疇官兩絕曆紀廢壞千百年
矣焯以庸鄙荷蒙甄擢專精藝業耽耽數象自
力羣儒之下冀覩聖人之意則皇之初奉勅修
撰性不諧物功不克終猶被胄玄竊為已法未

能盡妙協時多與尸官亂日寔點皇猷請徵胄
玄谷驗其長短焯又造曆家同異名曰稽極大
業元年著作郎王即諸葛穎因以侍宴言劉焯
善曆推步積審證引陽明帝曰知之久矣仍下
其書與胄玄叅校胄玄駁難云焯曆有歲率月
率而立定朔日有三大三小業歲率月率者平
朔之章歲章月也以平朔之率而求定朔值三
小者猶似減三五為十四值三大者增三五為

十六也校其寔理並非十五之正故張衡及何承天創有此意為難者執率以校其率皆自敗故不克成今焯為定朔則須檢其平率然後為可互相駁難是非不決焯又罷歸四年駕幸分陽宮太史奏曰日食無效帝召焯欲行其曆袁充方幸於帝左右胄玄排焯曆又會焯死曆竟不行術士咸稱其妙

總議

天之高日月星辰之速寒燠雨暘氣數之不齊
章節紀元餘分之所積以千百年而計之猶可
運之於掌上及其久也有非巧筭之所能計此
曆久必差勢之所必至也治曆君子因而差之
未遠革而正之無難也或盡更前人之法而更
復踈遠或增損前人之舊而史加詆毀則非矣
自黃帝以來曆凡六十餘家皆由氣朔經度或

先天或後天微有不應曆象則曆法從而變也
夫黃帝如調曆顓帝為曆宗主漢則不能定疎
密漢人課之詳矣由漢以來太初曆法為第一
三統四分乾象或因革焉而復在課密之間蓋
三統則甚疎而乾象則甚密也乾象之曆為推
步之師表韓翊楊偉咸遵其舊法而不及深妙
翊又復據其術而背其言唐自開元大衍之曆
行算數備悉其後雖屢有變更皆不外於一行

之數改曆者又從而指其疎謬北齊文宣悅宋
景業識之佞綿而改行天寶曆隋高祖喜張賓
陳代謝之謚而改行開皇曆上之改曆者悅佞
喜諛初不為敬天授民而設也劉孝孫曆法甚
精輒為劉暉所抑劉焯推古至詳常不為張胃
玄所容下之造曆者昌寵嗜利初不揆其法之
是非也天道高遠曆法推測不能每事中程其
曰日食不效更考日度可也其曰斗分有差更

定密率可也其曰五星疎遠更驗星纏可也其
或一事不中程乃盡更前人之法雖異其所入
之門而同其所歸之極如宋何承天曆法齊用
之則為齊曆隋張賓用之則為隋曆如劉孝孫
曆法焯更名七曜曆又更為皇極曆一法而異
用一曆而數名大抵然也

秘錄神道大編論曆全書卷第六終

神道大編曆宗通議卷第七

唐朝八曆叙

天日月星有象而見於上四時寒暑無形而運
於下二者常動而不息一有一無出入升降或
遲或疾不相爲謀其久而不能無差忒者勢使
之然也故爲曆者在於候天地之氣以知四時
寒暑而仲察夫日月星之行運以相參合而已
其始未嘗不精密其後多疎而不合亦理之然

也不合則屢變其法以求之故唐祚二百九十年而曆凡八改高祖受禪東都道士傅仁均善推步之學太史令庾儉承傳奕蔭之詔仁均等奏議合受命歲名為戊寅元曆詔司曆起二年用之擢仁均員外散騎侍郎高宗時戊寅曆疎淳風作甲子元曆以獻詔太史起麟德二年頒用謂之麟德曆古曆有章部有元紀有日分度分參差不齊淳風為惣法千三百四十以一之

損益中數術以考日至為木渾圓以測黃道餘
因劉焯皇極曆法增損所宜當時以為密與太
史令瞿曇羅所上經緯曆參行弘道元年十二
月甲寅朔壬午晦八月詔二年元日用甲申故
進以癸未晦為永昌元年十一月改元載初用
周正以十二月為臘月建寅為一月神功二年司
曆以臘為閏而前歲之晦月見東方太后詔以
正月為閏十月是歲甲子南至改元聖曆命瞿

曇羅作光宅曆時因之三年罷作光宅曆復行
夏時玄宗開元九年麟德曆署日食北不效詔
僧一行作大衍曆準大衍教以立術較經火所
書氣朔日名宿度可考者皆合十五年草成而
一行卒詔特進張說每曆官陳玄景等次為曆
術七篇又著曆議十篇以考古今得失畧例一
篇以明述作本皆起十七年頒於有司時有九
執曆自西域來詔太史監崔靈芝達譯之善美

翟墨誤者恐不得預改曆事奏二卜一年大衍
曆馮九執曆其術未盡太子石司禦卒南宮說
亦非之詔侍御史李麟太史令桓執圭較震莖
候薄大衍十得七八麟德德三四九執一二焉
罪說筭而是否決自太初至麟德有二十三
家與天雖近而未密也至太衍倚數立法固無
以易而最為精密矣肅宗時山人韓穎上言大
衍曆或誤帝疑之以穎為太子宮門郎直司天

臺又損益其術每節增二日更名至德曆起乾
元元年用之訖上元三年代宗寶應以至德曆
不與天合鄭獻之因大衍舊法造五曆紀德宗
逮中以氣朔稽後徐承嗣羅麟德大衍術造正
元曆憲宗元和徐昂上現象曆穆宗長慶以現
象測驗不合詔日官造宣明曆昭宗景福以宣
明數差邊岡造崇玄曆邊岡用算巧妙能馳騁
反覆于乘除間由是簡捷超徑等接之術具而

經志遠大哀序之法廢然雖籌策便易人皆冥
于本原矣其餘諸曆紛紛改作不通依欲大衍
之舊術耳

戊寅議

傅仁均列曆之大要所可考驗者有七曰唐以
戊寅歲甲子日登極曆元戊寅日起甲子如漢
太初一也冬至五十餘年輒差一度日短星昴
合于堯典二也周幽王六年十月辛卯朔入蝕

限合于詩三也魯僖公五年壬子冬至合春秋
命曆序四也月有三大三小則日蝕常在朔月
蝕常在五也命辰起于半命辰起虛六符陰陽
之始六也五達疾定朔則月行晦不東見朔不
西眺七也三年正月望及二月八月朔常蝕比
不效六年詔吏部郎中祖孝孫考其得失孝孫
使筭曆博士王孝通以甲辰曆法詰之曰日短
星昴以正仲冬七宿畢見舉中宿言耳舉中宿

則餘星可知仁均專守昴中執文害意不亦謬乎又月令仲冬昏東壁中明昴中非為常準若堯時星昴昏中差至東壁然則堯前七千餘歲冬至昏翼中日應在東井井極北去人最近故暑斗極南去人最遠故寒寒暑易位必不然矣又平朔定朔舊有二家三大一小為定朔望一大一小為平朔望日月行有遲速相反謂之合會晦朔無定由時消息若定天小皆在朔皆合

會雖定而節元紀首三端並失若上合履端之
始下得歸餘于終合會有時則甲辰元曆為通
術矣仁均對曰宋祖冲之五歲差隋張胄玄奇
因而修之雖差數不同各明其意考通未曉乃
執南斗為冬至常星大日曜宿度如部傳之逆
宿度既差黃道隨而变矣書云季秋月朔辰常
集于房孔氏云集合也不合則日蝕可知又云
先時者殺無赦不及時者殺無赦既有先後之

差是知定朔矣詩云十月之交朔月辛卯又春
秋傳曰不書朔官失之也有後曆差莫能詳正
故秦漢以來多非朔詘宗御史中丞何承天微
欲見意不能詳究乃為散騎侍郎皮長宗等所
抑孝通之語乃延宗舊說治曆之本必推上元
日月如合璧五星如連珠夜半甲子朔旦冬至
自此七曜散行不復餘分普盡總會如初唯朔
分氣分有何盡之理因其可盡即有三端此乃

紀其日數之元爾或以為即夜半甲子朔冬至
者非也冬至自有常數朔名由于月起月行遲
疾匪常三端安得即故必須日月相合冬至同
日者乃為合朔冬至耳孝孫以為然但略去九
竦潤者九年復詔大理卿崔善為与孝通等較
定善為所改凡數十條初仁均以武德元年為
曆始而氣朔遲疾交會及五星皆有加減至是
復用上元積算其周天度即古赤道也貞觀初

直太史李淳風上疏論千有八事復詔善為課
二家得失其七條改從淳風十四年太宗將親
祀南郊以十一月癸亥朔甲子冬至而淳風親
術以甲子合朔冬至乃上言古曆分日起于子
半十一月當甲子合朔冬至故太史一合傳仁
均以減餘稍多子初為朔遂差三刻司曆言之
初及半日月未離淳風之法較春秋以來數度
薄蝕事皆符合同子祭酒孔穎達等參議請從

淳風又以平朔推之則二曆皆以朔日冬至于
事弥合且平朔行之自古故春秋傳或失之前
謂晦日也雖癸亥日月相及明日甲子為朔可
也從之十八年淳風又上言仁均曆有三六三
小云日月之蝕必在朔望十九年九月後四朔
顯大詔集諸解曆者詳之不能定庚子詔用仁
均平朔訖麟德元年仁均曆法祖述曹玄稍以
劉孝孫舊議參之其大最疎于淳風然更相出

入其有所中淳風亦不能愈之今所記者善為
所較也

大衍議上

曆本議曰易天数五地数五五位相得而各有
合所以成变化而行鬼神也天数始于一地数
始于二合二始以伍剛柔天数终于九地数终
于十合二終以配閏餘天数中于五地数中于
六合二中以通律曆天有五音所以司日也地

有六律所以司辰也參伍相間寔于六十聖人
以此見天地之心也自五以降為五行生數自
六以往為五材成數錯而乘之以生數衍成伍
一六而退極五十而增進一六為爻位之統五
十為大衍之母成數乘生數具筭六百為天中
之積生數乘成數具筭亦六百為地中之積合
千有二百以五十約之則四象周六爻也二十
四約之則太極包四十九用也綜成數約中積

皆十五綜生數約中積皆四十無而為天地之
數以五位取之復得二中之合矣著數之變九
六各一乾坤之象也七八各三六子之象也故
爻數通乎六十策數行乎二百四十是以大衍
為天地之推如環之無端蓋律曆之大紀也大
數象微于三四而章于七八卦有三微策有四
象故二微之合在始中之際焉著以七悔卦以
八周故二章之合而在中然之際焉中極居五

六問由開闢之交而在章微之際若人神之極
也天地中積千有二百揲之以四為文率三百
以十位乘之而二章之積三千以五卦乘八象
為二微之積四十蕪章微之積則氣朔之分卦
也以三極參之倍六位除之凡七百六十是謂
辰法而齊于代軌以十位乘之倍入符除之凡
三百四是謂刻法而齊于億運半氣朔之廿千
五百二十得天地出符之數因而三之凡四千

五有六十肖七精返初之會也易始于三微而
生一象四象成而後八卦章三變皆剛太陽之
象三變皆柔太陰之象一剛二柔少陽之象一
柔二剛少陰之象少陽之剛少陰之柔有始有
壯有究蕪三才而兩之神明動乎其中故四十
九象而大業之用周矣數之德圓故紀之以三
而變于七象之德方故紀之以四而變于八人
在天地中以閏盈虛之變則閏餘之初而氣朔

所虛也以終合通大衍之母虧其地十九九百
四十為通數終合除之得中率四十九餘十九
分之九終歲之弦而十分復初之朔也也于終
極之際虧十而從天所以遠疑陽之戰也夫十
九分之九盈九而虛十也乾盈九隱乎龍戰之
中故不見其首坤虛十以導潛龍之氣故不見
其成周日之朔分周歲之間分五一章之弦一
節之月皆合于九百四十蓋取諸中率也一策

之分十九而章法生一揲之合七十六而節法
生一節之日二萬七千七百五十七以通數約
之凡二十九日餘四百九十九而日相及于朔
此六爻之紀也以卦當歲以爻當月以策當日
凡三十二歲而小終二百八十五小終而每卦
運大終二百八十五則參伍二終之合也數象
既合而遊行之變在乎其間矣所謂遊行者以
爻率乘朔餘為十四萬九千七百以四十九月

二十四象虛之候以支率約之為四百九十八
微分七十五大半則章微之中率也二十四象
象有四十九喜凡千一百七十六故虛遊之數
七十三半氣朔之母以三極乘參伍以兩儀乘
二十四變因而併之得千六百一十三為朔餘
四揲氣朔之母以八氣九精遊其十七得七百
四十三為氣餘歲八万九千七百七十三而氣
朔會是謂章率歲二億七千二百九十萬九百

二十而無小餘合于夜半是謂節率歲有六十
三億七千四百五十九萬五千二百而大餘與
歲建俱終是謂元率此不易之道也策以紀日
象以紀月故乾坤之策三百六十為日度之準
乾坤之用四十九象為月弦之檢月之一度不
盈全策月之一弦不盈全用故集餘萬五千九
百四十三則十有二中所盈也用差萬七千一
百二十四則十有二朔所虛也綜盈虛之數五

歲而再閏中節相距皆當三五弦望相距皆當
二七升降之應發歛之候皆紀之以策而從月
者也日行曰躔其差曰盈縮積盈縮曰先後古
者平朔月朔見曰朏夕見曰魄今以日之所盈
縮月之所遲疾損益之或進退其日以為定朔
舒亟之度乃數使然躔離相錯借以損益故同
謂之朏朏月行曰離遲疾曰轉度母曰轉法遲
疾有秉其變者勢也月造逆馴屈行不中道進

退遲速不率其常道中則為速不及中則為遲
積遲謂之屈積速謂之伸陽執中以出令故曰
先後陰含章以詵命故曰屈伸日不及中則損
之過則益之月不及中則益之過則損之尊卑
之用晦而及中之志同現則景之進退知軌道
之升降軌與器名舛而義合其差則水漏之所
從也總名曰軌漏中器長短謂之陟降景長則
夜短景短則夜長積其陟降謂之消息遊爻曰

交會交而周曰交終交終不及朔謂之朔差交
中不及望謂之望差日道表曰陽曆其乘曰陰
曆五星見伏周謂之終率以分從日謂之終日
其差謂進退中氣議曰曆氣始于冬至錯其差
蓋取諸欽景春秋傳僖公五年正月辛亥朔日
南至以同曆推之入壬子節第四章以辛亥一
公合朔冬至殷曆則壬子節首也昭公二十年
二月己丑朔日南至魯史失閏至不在正左氏

記之以懲司曆之罪周曆得己丑二分殷曆得
庚寅一分殷曆南至常在十月晦則中氣後天
也周曆蝕朔差經或二日則合朔先天也傳所
據者周曆也緯所據者殷曆也氣合于傳朔合
于緯斯得之矣戊寅曆月氣專合于緯麟德曆
合專于傳獨取之故兩失之又命曆序以為孔
子修春秋用殷曆使其數可傳于後考其缺朔
不與殷曆合及開元十二年朔差五日矣氣差

八日矣上不合于經下不足以傳于後代蓋
平間治甲寅元曆託之非古也又漢太史令張
壽王說黃帝調曆以非大初有司刻官有黃帝
調曆不取壽王同壽王所治乃殷曆也漢自中
興以來圖識漏世而考靈曜命曆序皆有甲寅
元其所起在四分曆庚申元後百一十四歲延
光初中謁者曹誦靈帝時五官郎中馮光等皆
請用之卒不施行緯所載壬子冬至則其遺術

也魯曆南至又先周曆四分日之三而朔後凡
百四十分日之五十一故僖公五年辛亥為十
二月晦壬子為正月朔又推日蝕密于殷曆其
以閏餘一為章首亦取合于甯時也開元十二
年十一月陽城測景以癸未極長較其前後所
差則夜半前尚有餘分新曆大餘十九加時九
十九刻而皇極戊寅麟德曆皆得甲申以玄始
曆氣分二千四百四十三為率推而上之則失

春秋辛亥是減分太多也以皇極曆氣分二千
四百四十五為率推而上之雖合春秋而失元
嘉十九年乙巳冬至及開皇五年甲戌冬至七
年癸未夏至若用麟德曆率二千四百四十七
入失春秋已北是減分太少也故新曆以二千
四百四十四為率而舊所失者皆中矣漢會稽
東部尉劉洪以四分疎闊由斗分多更以五百
八十九為紀法百四十五為斗分減餘太甚是

以不及四十年而加時漸覺先天韓翃楊偉劉
智等皆稍損益更造新術而皆依識緯三百歲
改憲之文考經之合朔多中較傳之南至則否
玄始厯以為十九年七閏皆有餘分是以中氣
漸差據渾天二分為東西之中而晷景不等二
至為南北之極而進退不齊此古人所未達也
更因劉洪紀法增十一年以為章歲而減閏餘
十九分之一春秋後五十四年歲在甲寅直應

鍾章首興景初曆閏餘皆盡雖減章閏然中氣
加時尚差故未合于春秋其斗分幾得中吳後
代曆象皆因循玄始而損益或過差大抵古曆
未減斗分其率自二千五百以上乾象至于元
嘉曆未減閏餘其率自二千四百六十以上玄
始大明至麟德曆皆減分破章其率自二千四
百二十九以上較前代史官注記惟元嘉十三
年十一月甲戌景長皇極麟德開元曆皆得癸

丙蓋日誤變常尔祖冲之既失甲戌冬至以為
加時太早增小餘以附會之而十二年戊辰景
長得己巳十七年甲午景長得乙未十八年己
亥景長得庚子合一失三其失愈多劉孝孫張
胄玄因之小餘益彊又以十六年己丑景長為
庚寅矣治曆者糾合衆同以稽其所異苟獨異
焉則失行可知今曲就其一而少者失三多者
失五足拾常数而從失行也周建德六年以壬

辰景長而麟德開元曆皆得癸巳開皇七年以
癸未景短而麟德開元曆皆得壬午先後相戾
不可叶也皆日行盈縮使然凡曆日在于常數
而不在于變行既叶中行之率則可以兩齊先
後之變矣麟德已前賢錄所記乃依時曆書之
非候景所得又比年候景長短不均由加時有
早晏行度有盈縮也自春秋以來至開元十二
年冬至至凡三十一事戊寅曆得十六麟德曆

得二十三開元曆得二十四合朔諺曰日月合
度謂之朔無所取之取之蝕也春秋日蝕有甲
乙者三十四殷曆魯曆先一日者十三後一日
者三周曆先一日者二十二後一日者九其偽
可知莊公三十年九月庚午朔襄公二十一年
九月庚戌朔定公五年三月辛亥朔當以盈縮
遲速為定朔殷曆雖合適然耳非正也僖公五
年正月辛亥十二月丙子朔十四年三月己丑

朔文公元年五月辛酉朔十一年三月甲申晦
哀公十九年五月壬辰晦昭公元年十二月甲
辰朔二十年二月己丑朔二十三年正月壬寅
朔七月戊辰晦皆與周曆合其所記多周齊晉
事蓋周王所頒齊晉用之僖公十五年九月己
卯晦十六年正月戊申朔成公十六年六月甲
午晦襄公十八年十月丙寅晦十一月丁卯朔
二十六年三月甲寅朔二十七年六月丁未朔

與殷曆魯曆合此非合蝕故仲尼因循時史而
所記多宋魯事與齊晉不同可知矣昭公十二
年十月壬申朔原與人逐原伯綏每魯曆周曆
皆差一日此立明即其所聞書之也僖公二十
二年十一月己巳朔宋楚戰于泓周殷魯曆皆
先一日楚人所赴也昭公二十年六月丁巳晦
衛侯與北宮喜盟七月戊午朔遂盟國人三曆
皆先二日衛人所赴也此列國之曆不可以一

術齊矣而長曆日子不在其月則改易閏餘欲
以求合故閏月相距近則十餘月遠或七十餘
月此杜預所甚繆也夫合朔先天則經書日蝕
以糾之中氣後天則傳書南至以明之其在晦
二日則原乎定朔以得之列國之曆或殊則稽
于六家之術以知之此四者皆治曆之大端而
預所未暇故也新曆本春秋日蝕古史交會加
時及史官候簿所詳稽其進退之中以立常率

然後以日躔月離先後屈伸之變稽損益之故
經朔雖得其中而躔離或失其正若躔離各得
其度而經朔或失其中則參求累代必有差矣
三者迭相為經若權衡相持使千有五百年間
朔必在晝望必在夜其加時又合則三術之交
自然各得其正此最微者也若乾度盈虛與時
消息告譴于經數之末常變于潛運之中則聖
人且猶不質非籌曆之所能及矣昔人考天事

多不知定朔假蝕在二日而常朔之晨月見東方食在晦日則常朔之夕月見西方理數然也而或以為朏朏變行或以為曆術疎闊過常朔朝見則增朔餘夕見則減朔餘此紀曆所以屢遷也漢編新季花等又以晦犹月見次令節首先大賈逵曰春秋書朔晦者朔必有朔晦必有晦晦朔必在其月前也先大則一月再朔後月無朔是月不可必也訢花等欲諧偶十六日月

朧昏晦當減而已又晦與合朔同時不得異日
考達奇所言蓋知之矣晦朔之交始終相際則
光盡明生之限度數正均故合于子正則晦日
之朝猶朔日之夕也是以月皆不見若合于午
正則晦日之晨猶二日之昏也是以月或皆見
若陰陽遲速軌滿加時不同舉其中數率去日
月三度以上而月見乃其常也且晦日之光未
盡也如二日之明已生也一以為是一以為非

又常朔進退則定朔之晦二也或以為變式以
為常是未通于四三交實之論也綜近代諸曆
以百万為率齊之其所差少或一分多至十數
失一分考春秋終差一刻而百數年間不三成
朧胸之異施行未幾旋復踈闊由未知躔離經
朔相求耳李業興甄鸞等欲求天驗輒加減月
分還革不已朧胸相戾又未知昏明之限互定
朔故也揚偉採乾象為遲疾陰陽曆雖知加時

後天蝕不在朔而未能有以更之已何承天欲
以盈縮定朔望小餘錢樂之以為推交會時刻
雖審而月頻三大二小日蝕不唯在朔亦有在
晦二者皆延宗又以為紀首合朔大小餘皆盡
若每月定之則紀首值盈當退一日便應以次
歲之晦為新紀之首立法之制如為不便承天
乃止虞翻曰所謂朔在會合為躔次既同何患
于頻入已日月相離何患于頻小已春秋日蝕

不書朔者八公羊曰二日也穀梁曰晦也左氏
曰官次之也劉孝孫非俱得朔日以丘明為是
乃與劉焯皆議定朔為有司所擯不得行傳仁
朔始為定朔而曰晦不東見朔不西眺以為昏
晦當減亦訖荒之論淳風因循皇極皇極容于
麟德以朔餘乘二千四十乃一万除之就全數
得千六百一十三又以九百四十乘之以三千
四十而一得四百九十八秒七十五太極是為

四分餘率劉洪以古曆斗分太彊久當後天乃
先正斗分而後求朔法故朔餘之母煩矣韓翊
以乾象朔分太弱久當先天乃先考朔分而後
覆求度法故度餘之母煩矣何承天反覆相求
使氣朔之母合簡易之率而星數不得同元矣
李業興宋景業甄鸞張賓欲使六甲之首衆術
同元而氣朔餘分其細甚矣麟祐曆有總法問
元曆有通法故積歲如日分之數而後問餘皆

盡考漢元光己未史官注記日蝕有加時者凡
三十七事麟德曆得五閏元曆得二十三
沒減略例曰古者以中氣所盈之日為沒沒脩
盡者為減閏元曆以中分所盈為沒朔分所虛
為減綜終歲沒分謂之策餘減分謂之用差皆
歸于揲易再拐而後掛也

卦候議曰七十二候原于周公時訓月令雖頗
有增益然先後之次則同自後魏始載于曆乃

依易軌所傳不合經義今改從古

卦議曰十二月卦出于孟氏章句其說易本于
氣而後以人事明之京氏又以卦爻配期之日
次離震兌其用事自分至之首皆河八十分日
之七十三順晉卦大畜皆五日十四分餘皆六
日七分止于占災眚反吉凶嘉敗之事至于現
陰陽之變則錯亂而不明自乾象曆以降皆因
京氏惟天保曆依曆易統通軌圖自八十有二

節五卦初爻相次用事及上爻而與中氣皆終
非京氏本旨及七畧所傳按卽顓所得卦皆六
日七分不以初爻相次用事齊曆謬矣又京氏
減七十三分爲四正之候其說不經欲附會緯
文七日來復而已夫陽精道消靜而無迹不遇
極其正數至七而通矣七者陽之正已安在益
其餘小令七日而後雷動地中乎嘗據孟氏自
冬至初中孚用事一月之策九六七八是爲三

十而卦以地六候以天五五六相乘消息一變
十有二變而歲獲初坎震離兌二十四氣次主
一爻其初則二至二分也坎以陰包陽故自北
正微陽動于下升而未達極于二月凝潤之氣
消坎運終焉春分出于震始據萬物之元為主
于內則群陰化而從之極于南正而豐大之變
窮震功究焉離以陽包陰故自南正微陰生于
地下積而未章至于八月文明之實衰離運終

焉仲秋陰飛于兌始循萬物之末為主于內群
陽降而承之極于北正而天降之施窮兌功究
焉故陽七之靜始于坎陽九之動始于震陰八
之靜始于離陰六之動始于兌故四象之變皆
兼六爻而中節之應隆矣易文當日十有二中
直金卦之初十有二節直金卦之中齊曆又以
節在貞氣在晦非是

日度議曰古曆日有常度天周為歲終故係星

度于節氣其說似是而非故久而益差虞喜充
之候天為天歲為歲乃立差以追其變使五十
年退一度何承天以為太道乃悟其年而反不
及皇極取二家中數為七十五年蓋近之矣考
古史及日官候簿以通法之三十九分太為一
歲之差自帝堯演紀之端左虛一度及今開元
甲子却三十六度而乾策復初矣日右虛一則
鳥大昴虛皆以仲月昏中合于堯典劉炫依大

明曆四十五年差一度則冬至在虛危而夏至
火亦過中矣梁武帝據虞創曆百八十六年差
一度則唐虞之際日在斗牛間而冬至昂尚未
中以為皆承閏後節前月却使然而此經終始
一歲之事不容頓有四閏故淳風因為之說曰
若冬至昂中則夏至秋分星火星虛皆在未正
之西若以夏至火中秋分虛中則冬至昂在巳
正之東互有盈縮不足以為歲差正是又不然

今以四象分天北正玄枵中虛九度東正大火
中房二度南正鶉火中七星七度西正大梁中
昴七度總晝夜刻以約周天命距中星則春分
南正中天秋分北正中天冬至之昏西正在午
東十八度夏至之昏東正在午西十八度軌漏
使然也冬至日在虛一度則春分昏張一度中
秋分虛九度中冬至胃二度中昴距星直午正
之東十二度夏至尾十一度中心後星直午正

之西十二度四序進退不逾午正間而淳風以
為不叶非也又王孝通云如歲差自昴至壁則
堯前七千餘歲冬至日應在東井井極北故暑
斗極南故寒寒暑易位必不然矣所謂歲差者
日每黃道俱差也假冬至日躔入火之中則春
分黃道交于虛九而南至之軌更出房心外距
赤道亦二十四度設在東井差亦如之若日在
東井北去極最近表景最短則是分至常居其

所黃道不遷日行不退又安得為之歲差乎孝
通及淳風以為冬至日在斗十三度宿東壁中
昴在異維之左向明之位非無星也水星昏正
可以為仲冬之候何必援昴于八度而末見又
五日而駟見故隕霜則蟄出堽戶鄭康成據常
時所見謂天根朝見在季秋之末以月令為謬
帝昭以仲秋水始涸天根見乃竭皆非是降霜
六日日在尾末火星初見營室昏中于是始修

城郭宮室故時儆曰營室之中土功其始火之
初見期于司理麟德曆霜降後五日大伏小雪
後十日晨見至大雪而後定星中日且南至冰
壯地坼又非土功之始也夏曆十二次立春日
在東壁三度于太初星距壁一度太乙顓頊曆
上元甲寅歲正月甲寅晨初合朔立春七曜皆
直艮維之首蓋重黎受職于顓頊九黎亂德二
官咸廢帝堯獲于子孫掌天地四時以及虞夏

故本其所由生命曰顓頊其寔夏曆也湯作殷
曆更以十一月甲子合朔冬至為上元周人因
之距羲和千祀昏明中星率差半次夏時直月
節者皆當十有二中故因循夏令其後呂不韋
得之以為秦法更考中星斷收近距以乙卯歲
正月己巳合朔立春為上元洪範傳曰曆記始
于顓頊上元太始閏蒙攝提格之歲畢陬之月
朔日己巳立春七曜俱在宮室五度是也秦顓

項曆元起乙卯漢太初曆元起丁丑推而上之
皆不值甲寅猶以日月五緯復復得上元始觀
之際以惑民之視聽我夏后氏四百三十二年
日即差五度太康十二年戊子歲冬至應在女
十一度書曰乃季秋月朔辰弗集于房劉炫曰
房所舍之次也集會也會合也不合則日餘可
知或以房為房星知不然者且日之所在正可
推而知之君子慎疑寧常以日在之宿為文近

代善曆者推仲康時九月合朔已在房星北矣
按古文集說輯義同日月嘉會而陰陽輯睦則
陽不疾乎位以常其明陰亦含章示冲以隱其
形若變而相傷則不輯矣房者辰之所次星者
所次之名其揆一也又春秋傳辰在斗柄天策
惇惇降婁之初辰尾之末君子言之不以為繆
何獨慎疑于房星哉新曆仲康五年癸巳歲九
月庚戌朔日蝕在房二度炫以五子之歌仲康

肯是其一肇位四海復修大禹之典其五年義
和夫戕則王命徂征虞廟以為仲康元年非也
國語單子曰辰角見而雨畢天元見而水涸本
氏見而草木節解駟房見而隕霜心火見而清
風戒寒常昭以為夏后氏之令周人所因推夏
后氏之初秋分後五日日在氏十三度龍角盡
見時雨可以畢矣又先寒露三日天根朝覲時
訓爰始收潦而月令亦云水涸後寒露十日日

在尾本星度故命曰開蒙攝提格之歲而寔非
甲寅夏曆章節紀首皆在立春故其課中星換
斗建五閏餘之所盈縮皆以十有二節為損益
之中而殷周漢曆章節紀首皆直冬至故其名
察癸飲亦以中氣為主此其異也夏小正雖頗
疎簡失傳乃羲和遺迹何承天循大戴之說狹
用夏時更以正月甲子寅半合朔雨水為上元
進辛夏曆退非周正故近代推月令小正者皆

不與古合開元曆推夏時立春日在營室之末
宿東井二度中古曆以參右肩為距方當南正
故小正曰正月初昏斗杓懸在下魁枕參首所
以著中參也季春在昴十一度半去參距星十
八度故曰三月參則伏立夏日在井四度昏角
中南門右星中入角距西五度其左星入角距
東六度故曰四月初昏南門正昴則見五月節
日在鬼一度半參去日道最遠以渾儀度之

參体始見其肩股犹在濁中房星正中故曰五
月參則見初昏大火中八月參中則曙失傳也
辰伏則參見非中也十月初昏南門見亦失傳
也定星方中則南門伏非昏見也商六百二十
八年日却差八度太甲二年壬午歲冬至應在
女六度國語曰武王伐商歲在鶉火月在天駟
日在析木之津辰在斗柄星在天龜舊說歲在
己卯推其臆魄更文王崩武王成君之歲也其

明年武王即位新曆孟春定朔丙辰于商為二月
故周書曰推王元祀二月丙辰朔武王訪于
周公竹書十一年庚寅周始伐商而賁子及家
語以為十二年蓋通成君之歲也先儒以文王
受命九年而崩至十年武王觀兵盟津十三年
復伐商推元祀二月丙辰朔距伐商日月不為
相距四年所說非是武王十年夏正十月戊子
周師始起于歲差日在箕十度則析木津也辰

初月在房四度于易雷乘乾曰大壯房心象焉
心為乾精而房升陽之驕也房五歲星實相經
緯以屬靈威仰之神后稷感之以生故周語曰
月之在房為農祥我祖后稷之所經緯也又
三日得周正月庚寅朔日月會南斗一度故曰
辰在斗柄壬辰辰星夕見在南斗二十度其明
日武王自宗周次于師所凡月朔而未見曰死
魄夕而成光則謂之朏或以二日或以三日

故武成曰維一月壬辰旁死魄朔日癸巳王朝
步自周于征伐商是時辰星與胃師俱進由建
星之末歷牽牛須女涉顓頊之虛戊午師渡盟
津而辰星伏于天竈辰星計光紀之精所以告
顓頊而終水行之運且木帝之所錫生也故國
語曰星與日辰之位皆在北維顓頊之所建也
帝嘗受之我周氏出自天竈及析木有建星牽
牛焉則我皇妣太姜之姪伯陵之後逢公之所

憑神也是歲歲星始及鶉人其明年周始革命
歲又退行旅于鶉首而後進及鳥帑所以返復
其道經綸周室鶉火直軒轅之虛以爰稼穡
星孛焉而成周之大革也鶉首當山河之右太
王以興后稷封焉而宗周之所宅也歲星與房
實相經緯而相距七舍木與水代終而相及七
月故國語曰歲之所在則我有周之分也自鶉
及駟七列南北之揆七月其二月戊子朔哉生

明王自克商還至于鄆于周為四月新曆推定
望甲辰而乙巳旁之故武成曰維四月既旁生
魄粁六日庚戌武王燎于周廟麟德曆周師始
起歲在降婁月宿天根日耀心而合辰在尾水
星伏于星紀不及天竟又周書革命六年而武
王崩晉子家語以為七年蓋通克商之歲也周
公攝政七年二月甲戌朔己丑望後六日乙未
三月定朔甲辰三日丙午故呂誥曰惟二月既

望越六日乙未王朝步自周至于鄆三月惟丙
午朏越三日戊申大保朝至于洛其明年成王
正位三十年四月己丑朔甲子哉生魄故書曰
惟四月才生魄甲子作顧命康王十二年歲在
乙丑六月戊辰朔三日庚午畋畢命曰惟有十
二年六月庚午朏越三日壬申王以成周之衆
命畢公自伐紂及此五十六年朏魄日名上下
無不合而三統厯以己卯為克商之歲非也夫

有效于古者宜合于今三統曆自太初至開元
朔後天三日推而上之以至周初先天失之蓋
益甚焉是以知合于數者必非堯商之歲自宗
周訖春秋之季日却差八度康王十一年甲申
歲冬至應在牽牛六度周曆十二次星紀初南
斗十四度于太初星距斗十七度少也古曆分
率簡易歲久輒差連曆教者隨時遷革以合其
變故三代之興皆揆測天行考正星次為一代

之制正朔既華而服色從之及繼体守文時人
代嗣則謹循先王舊制焉國語曰農祥晨正日
月底于天廟土乃脉發先時九日太史告稷曰
自今至于初吉陽氣俱蒸土膏其動弗震不渝
脉其滿青穀乃不殖周初先王春九日日在營
室古曆距中九十一度是日辰初太火正中故
曰農祥晨正日月底于天廟也于易象升氣完
而臨受之自冬至後七日乾指始復及大寒地

統之中陽洽于萬物根抵而與萌俱升未在地
中之象升氣已達則當推而大之故受之以臨
于消息龍德在田得地道之和濟而動于地中
升陽憤盈土氣震發故曰自今至于初吉陽氣
俱蒸土膏其動又先立春三日而小通用事陽
好節止于內動作于外矯而過正然後返求中
焉是以及于艮維則山澤通氣陽精闢戶甲折
之萌見而蓂莢之際離故曰不震不渝脉其滿

青穀乃不殖君子之道必擬之而後言豈億度
而已哉韋昭以為日及天廟在五春之初非也
于麟德曆則又後五春丁丑五日矣春秋桓公五
年秋大雩傳曰書不時也凡祀啓蟄而郊龍見
而雩周曆立夏日在鶡鵠二度于執漏辰角一
度中蒼龍畢見然則當在建巳之初周禮已至
春秋時日已潛退五度節前月却犹在建辰月
今以為五月者呂氏以顓頊曆芒種亢中則龍

以五爻昏見不知有歲差故雩祭失時然而唐
礼嘗以建巳之初農祥始見而雩若據麟德曆
以小滿後十日三則龍角通中為不時矣傳曰
凡土功龍見而畢務戒事火見而致用水昏正
而裁日至而畢十六年冬城向十有一月衛侯
朔出奔齊東城向書時也以歲差推之周初霜
降日在心五度角亢晨見五冬火見營室中後
七日水星昏後正可以興板幹故祖冲之以為

定之方中直管室八度是歲九月六日霜降二十一日立冬十月之前水星昏正故傳以為得時杜氏據晉曆小雪後定星乃中季秋城向似為大旱因曰功役之事皆抱之天象不與言曆數同引詩云定之方中乃未正中之辭非是麟德曆立冬後二十五日火見至大雪後管室乃中而春秋九月書時不已早乎大雪周之孟春陽氣靜復以繕城隍治宮室是謂發天地之房

方于立春斷獄所失多矣然則唐制宜以亥枹
中天丹土功倍公五年晉侯伐虢小樞曰克之
童謠云丙之辰龍尾伏辰初服振二取虢之旂
鷄之賁二天策傳二火中成軍其九月十月之
交乎丙子旦日在尾月在策鷄火中必是時策
入尾十二度新曆是歲十月丙子定朔日月合
尾十四度于黃道日在古曆尾而月在策故曰
龍尾伏辰于古距張中而曆直鷄火之末始將

西降故曰賁。昭公七年四月甲辰朔日蝕。士
文伯曰去衛地如魯地于是有災魯實受之。新
曆是歲二月甲辰朔入常雨水後七日在奎十
度周度為降娄之始則魯衛之交也。自周初至
是已退七度故入雨水七日方及降娄雖日度
潛移而周礼未改其配神主祭之宿宜書于建
國之初。淳風駁戊寅曆曰漢志降娄初在奎五
度今日蝕在降娄之中依無歲差法食于兩次

之交是又不然議者曉十有二次之所由生然
後可以明其得失且劉歆等所定辰次非能有
以觀陰陽之順而得于鬼神各據當時中節星
度耳歆以大初曆冬至日在牽牛前五度故降
婁直東壁八度李業其正光曆冬至在牽牛前
十二度故降婁退至東壁三度及祖冲之後以
為日度漸差則當據列宿四正之中以定辰次
不復係于中節薄風以冬至常在斗十三度則

甯以東壁二度為降娄之初安得守漢曆以駁
仁均而又三統曆昭公二十年己丑日南至反
麟德及開元曆同然則入雨水後七日亦入降
娄七度非魯衛之交也三十一年十二月辛亥
朔日蝕史星曰日月在辰尾庚午之日日始有
譴開元曆是歲十月辛亥朔入常立冬五日日
在尾十三度于古距辰尾之初麟德曆日在心
三度于黃道退直于房矣哀公十二年并冬十有

二月蠡開元曆推至閏當在十一年春至十二年冬失閏已以是歲九月己亥朔先寒露三日于定氣日在亢五度去心近一次火星明大尚未當伏至霜降五日始潛日下乃月令蟄虫咸俯則火辰未伏當在霜降前雖靜氣極晚不得十月昏見故仲尼曰立閏之伏火而後蟄者今火犹西流司曆過也方夏后氏之初八月辰伏九月內火及霜降之後火已朝覲東方距春秋

之季千五百餘年乃云火伏而後蜚者卑句使
冬至常居其所則仲尼不得以西流未伏明是
九月之初也自春秋至今又千五百歲麟德曆
以霜降後五日日在底八度房心初伏定增二
日以月蝕衡校之犹差三度閏餘稍多則建亥
之始火犹見西方向使宿度不移則仲尼不得
以西流未伏明非十月之候也自羲和以來火
辰見伏三觀厥變然則丘明之託歟全後之作

者參求徵象以探仲尼之旨是歲失閏寔以季
秋中氣後天三日北及明年仲冬一閏臨仲尼
之言補正時曆而十二月就可以益至哀公十
四年五月庚申朔日蝕以開元曆考之則日蝕
前又增一閏魯曆正矣長曆自哀公十年六月
迄十四年二月終置一閏非是戰國及秦日却
退三度始皇十七年辛未歲冬至應在斗二十
二度秦曆上元正月己巳朔歲初五春日月五

星俱起宮室五度節首日名皆直四孟假朔退
十五日則閏在正月前朔進十五日則閏在正
月前朔進十五日則在正月後是以十有二節
皆在盈縮之中而晨昏宿度隨之以顛頊厯依
月令自有十二節推之反不韋所記合而穎子
嚴之衡謂月令晨昏距宿當在中氣致雩祭太
晚自乖左氏之文而杜預又據春秋以月令為
否皆非是梁大同厯夏后氏之初冬至日在牽

牛初以為明堂月令乃夏時之據記中氣推之
不合更以中節之間為正迺稍相符不知進在
節初自然契合自秦初及今天直千歲節初之
宿皆當中氣淳風因為說曰今孟春中氣日在
營室昏明中星與月令不殊按秦曆立春日在
營室五度麟德曆以啓蟄之日迺至營室其昏
明中宿十有二建以為不差妄矣

秘抄神道大編論曆全書卷第七終